

四庫全書

集部

欽定四庫全書

集部

石倉歷代詩選卷四百

一至四

詳校官編修臣謝振定

侍讀臣孫球覆勘

總校官進士臣朱 鈐

校對官中書臣汪學金

謄錄監生臣費元震

欽定四庫全書

石倉歷代詩選卷四百一

明 曹學佺 編

明詩次集三十五

楊光溥

飲馬長城窟

辭家日已遠
胡雁飛南征
炯炯鐵兜牟
散被繖胡纓
仰視天山雪
俯涉交河水
匈奴未殲夷
壯士無歸情
結髮

習韜略胸中有奇兵寶劍雙轆轤秋蓮出匣明報國思
殞軀蹠血單于庭豈以虜陣強令我心膽驚刻期斬賢
王結束奮先爭功成不受賞千載麒麟名

結客少年場

魏其昔好客門庭集如雲一朝辭相位高堂忽揚塵食
祿尚弗報况茲杯酒思始知結客難何必皆縉紳屠沽
有奇士緩急真可親李布託朱家荆軻西入秦感恩在
一言誓死不惜身錦帶佩雙鉤結客洛東門探丸羅劇

孟義氣凌秋旻啞彼武陽子死灰何足云

烏夜啼

瑣窗未啓天欲明棲烏枝上啼有聲閨中少婦夢初覺
聞罷啼聲雙淚落爾啼應有赦不管人離別閒眼望郎
郎不來樓外斜橫半邊月

大堤曲

春浦青春草綠大堤女兒顏如玉斷腸不管往來人隔
江但唱留春曲高髻挽烏鴉滿頭都帶花春陽踏徧倦

還家未審何年嫁夫婿倚窗無語彈琵琶

隴頭水

隴坂何崎嶇十里九迴折下有隴頭水日夜聲嗚咽行人到此聞水聲回首吞聲多愴戚惟有壯士心剛似昆吾鐵近水磨寶刀擬拭匈奴血肯為兒女態行行慘離別所志圖麒麟一身甘隕國此水本無情何為使人惻前有尊酒行

綺窗日暖櫻桃紅玉缸酒乳蒲萄濃燕姬醉舞驕春風

當筵已覺飛花空流光過眼如轉蓬人間豈有浮丘公
丁寧勸君酌酒到君莫停且看萬事浮雲輕朱樓回首
日西下何妨對月聽銀箏

又

青軒幾樹桃花開黃鸝啼處春風來眼前况有一樽酒
何妨滿泛黃金杯對酒欲高歌照影心茫然霜毛日月
凋朱顏嗚呼流光欺人兮胡為不滿塵世之百年安得
駕飛龍乘紫煙直與安期羨門萬古長周旋

烏棲曲

庭前有雙樹夜半來烏棲感此已愁人更聞烏夜啼記
得郎行初種柳樹今已到勝巢牖綺窗半掩對棲烏夜
夜望郎腸欲枯金壺漏永將何如

玉壺吟

玉壺吟西風獵獵愁人心人心本不愁奈此霜毛侵憶
昔獻賦金鑾殿意氣當年比謫仙飛龍賜出天閑馬紫
陌看花著玉鞭犀盤寶瓮黃金注幾度承恩白玉筵聖

恩浩蕩深如海涓滴未酬顏已改老驥猶懷千里心欲
把青春問天買

雙燕離

雙燕來從海東國萬里相隨肯相失玉堂金屋春晝長
兩兩雕梁相對立一朝鷺鳥挾其雄孀雌來往悲巢空
終日呢喃不停語似將哀苦愁春風襄陽女兒姚玉京
十五畫得雙眉成可憐中道守空屋見此孀燕偏傷情
舉頭問爾燕爾與儂誰苦爾死徒一身儂死拋夫母君

不見臨邛曾有當壚人未知聞此傷情否

村居漫興三首

草堂時睡醒一卷太玄經道任衣冠舊文祈筆硯靈雨
階添嫩碧山牖納遙青衰老容吾飲還應問酒星

老去常昏飲支離仗酒全存亡驚故友寒暑感流年書
映松窗月茶烹土銜煙一琴高挂壁陶令任無絃

莫怪林泉僻衡門尚考槃愛紉蘭葉佩學製筍皮冠點
鼠凌人走殘蝸綴壁乾柳塘春水淺辜負一漁竿

隱居

龐公幽遯處無客款松扉酒德新成頌禪心久息機
檻花栖夾蝶砌蘚走伊威回首煙波地空嗟萬事非

自述

保德魚鹽部分符已二年河分西陝界地控北胡天
行部無完屋傳家有蔽擅吾歸尋舊隱須信橘中仙

雨後

詩就方辭枕回頭記不真草堂三日雨花塢半年春
綠

酒多閒日白頭非故人
眼看湖水漲正好釣青蘋

村居

柴門臨水閉遠樹接平疇
菜町穿蝴蝶桑村轉粟留世
機今已息身計更何求
只有看山癖晴明始上樓

村夜

山村煙樹外時聽子規啼
碧蘚花間地青蔬雨後畦
年光飛野馬身事走醯雞
却笑山妻苦繰車響院西

久旱

旱久千家市朝朝米價增
焚炷憂縣宰乞米避隣僧
赤地連苗圻黃塵障日騰
何時松下榻一雨洗炎蒸

山居漫興

散髮長松下從教碧蘚侵
青春呼酒伴白日卧書林
問卜辭簷尹澆畦接漢陰
每逢天氣好行坐白雲岑

久辭城府去默坐歎浮生
服食非吾事炎涼任世情
山光浮墨沼松影落書棚
一曲滄浪水長年可濯纓

破斫經年洗詩成不計篇
松窗迷鶴夢石壁雜蝸涎
市

遠無鮮食堂低但採椽野芳經雨後屐齒幾回穿
遶舍團青嶂蕭然自一村竹煙茶竈煖松火酒壚溫徑
引通池水巖藏嘯月猿故人無孺子誰復過陳蕃

自歎

自到東山住柴門盡日扃三間懸磬室一卷相牛經帳
覆蘿陰翠茵鋪草色青只因多酒債贏得屈原醒

丁卯大旱

寂寂江村外荒郊但蒺藜暑驕雞戀樹早久燕愁泥沙

壓汀花岼塵埋圃菜畦好山依舊在無興入詩題

上巳二首

百年逢上巳花柳徧春城燕麥迎風舞桑鳩喚雨鳴
逃禪常晏起脩禊偶閒行却憶蘭亭會風流萬古情

野老行遊處風光屬暮春荇牽青帶軟蒲發紫茸新
袂臨沂上衣冠繼洛濱舞雩歸詠處今日已成塵

夏日

涼風動紈扇不用憩青林隴麥行秋令庭槐轉午陰
簟

鋪青薤軟茶泛翠濤清石室談詩處林僧久不尋

元日試筆

五更喧爆竹窮鬼想潛蹤傳菜忙中婦延賓及下春雲
開驅屏翳冰泮露鱗鱗怪底兒童笑銀幡映老容

六十

短髮垂肩白蹉跎六十年乾坤歸老眼歲月付癡禪嗜
酒劉玄石耽詩孟浩然採薇應亦足無事祝蒼天

袁都司邀飲

將軍能好客，藩臬會高堂。
鱸切銀絲細，羹傳玉粉香。
箏聲哀象板，觴政急桑郎。
酌酌還留坐，梅花月轉廊。

閒居二首

長日壺觴止，半醺泉聲時。
在柳頭聞雲生，北渚迷松色。
雨歇西巖過，鹿羣山寺有。
僧求醉帖草堂無，客賞竒文
煙霞萬頃柴門外，芳草微茫路不分。

村北村南麥正秋，石榴開徧屋西頭。
槐陰午院初移榻，山色晴簾不下樓。
書卷愛儲高士傳，酒錢堪博醉鄉侯。

草衣木食平生足不愧當年馬少游

客至

門外君來識履聲兒童見慣亦歡迎
百年友義南州榻一代詩豪北府兵
書院雨添芳草徧硯池風引落花輕
酒邊不話人間事但鼓瑤琴一再行

漫興

池塘風動水泫泫靜倚南樓坐夕曛
春到綠回江上柳雨晴紅見海東雲
班生壯節曾投筆蘇晉長齋不如輩

病起渾忘腰帶減，傷人錯訝沈休文。

春日感懷

簿領沈迷久，不堪杏花春雨，
殢江南。四旬已老，還添一
九載，初遷又歷三歲。月匆匆，
春夢短。乾坤落落壯心慙，
不須更假桑郎酌，暖日薰人，
已自酣。

晉陽放歸偶書

倦鳥思林尚未歸，夕陽簾幙篆煙微。
影搖翠篠風初定，香泛紅蕖水正肥。
吏牘漸消塵土夢，客程先試薜蘿衣。

不須更假神巫卜草屋柴扉少是非

春日村居

鋤罷園蔬又治田陰陰榆柳蔭堂前
市沽頓積頻年債
午夢真成小洞仙
幾葉漁舟春水渡
一聲樵笛夕陽川
回思車馬紅塵路
却恨歸來已暮年

又

萬竹東頭一草亭
身閒不著息心銘
午風語燕梨花院
春水浮鷗杜若汀
世事到頭真過客
人生回首即浮萍

日高理罷滄浪髮閒課園丁種茯苓

又

曉雨初晴滿院清瑤琴一曲遣浮生柳依花塢傳春信
水隔山城遠市聲酒賤每逢田父醉詩成還就野僧評
尚嫌村客人煙鬧擬就煙霞學向平

初歸

組紱勞生兩鬢星歸來笑殺草堂靈
秋風蘿蔓迷樵徑
春水桃花失釣汀
癖統久慙龜手藥
養生新買種魚經

等閒睡醒茅簷日坐看山中草樹青

城北別業

雲去雲來傷短簷開荒十畝似陶潛春來徒笑苔錢在
秋到先憑雁字占茅屋日高喧燕壘柳塘波暖落魚鉞
門前十里春山色怪得經旬不捲簾

官舍寓懷一首

露下銀床爽氣殷密垂珠箔思紛紛黃花籬外蟲喧砌
紅葉階頭犬吠雲桐韻暗依更漏響龍涎高伴夜燈焚

袖中七寶還收在試問秋蟾缺幾分

春日山村寫事三首

柳陰深處是吾廬
漁舍田家共一墟
阮籍賓朋多嗜酒
鄭玄奴僕謾知書
長生不待燒丹竈
安步惟消下澤車
昨日東郊春雨足
科頭猶自帶經鋤

病眼昏昏罷草玄
水涯行盡又山巔
午風花柳韋郎曲
春雨桑麻鄴杜田
老去楊朱甘避席
醉來蘇晉愛逃禪
小園半畝都鋤徧
種得昌陽欲引年

桃花亂發柳梢齊人倚欄干費品題十里芳村桑落酒
一渠流水漢陰畦草堂客到惟談易松寺僧來也過溪
一枕紙屏春睡醒竹窗猶報午時雞

山居

舍南舍北響縹車雞犬林中共幾家老去尚勞餬口計
午風庭院曬松花

罷釣

半篙春水子陵磯誰說詩愁帶減圍斜日柳陰人釣罷

堤頭坐看水鷗飛

春暮

園林到處競芳菲
此日看看景致微
胡蝶不知春似夢
斜陽猶倚菜花飛

雨晴

人事悠悠一釣臺
人間贏得好懷開
東風醉罷雞豚社
坐看茅簷燕子來

夏日即景

金史四庫全書
卷四百一
黃梅時節雨初晴半畝槐陰小院清却怪山童驚夢覺
午風吹送搗茶聲

夏日

綠樹陰中不掩關茅簷風靜燕初還滄波渺渺斜陽外
斷送詩愁是遠山

寫事

浮世興衰無問渠身閒贏得白雲居山窗老眼還能誦
更向人間覓異書

惜春

一年春事等閒過
流水光陰柰老何
莫惜花殘難載酒
黃鶯啼處綠陰多

又

一年又是暮春天
冉冉流光下水船
有酒更須連日飲
幾人垂白在花前

上巳

細柳新蒲徧水濶
流觴今喜盍朋簪
野人那有紅塵垢

也抱山陰被襖心

柴門

溪上柴門掩翠微
無人談是更談非
近來老眼看書倦
燈影軒窗夜坐稀

春歸

酒肆逢春屢典衣
一年無柰又春歸
好花落盡桃千樹
幾日山人不啓扉

暮春

養拙林泉久避人
西門斜日鳥啼春
東君亂撒榆錢下
散與貧家不算緡

春去

東風叫斷杜鵑魂
渺渺平原接遠村
芳草不知春正好
夕陽依舊怨王孫

遊春

芳原何處駐遊輪
到處尋詩景物新
斜日畫橋春正暖
紛紛夾蝶趁人遊

過道院

一曲清溪遶舍香相迎
猿鶴意安詳道人采藥歸來晚
松下殘棋滿石牀

武鄉分司

民屋蕭條僅百家流鶯啼處柳陰斜
使臺坐對南山脚
十里春流漾落花

思歸

冉冉流光變二毛
天門空仰五雲高
故鄉一望天涯盡

幾日歸心折大刀

自歎

十年一署華州曹
醉飲松醪讀楚騷
眼底有誰憐駿骨
黃金欲鑄九方臯

觀田

布穀聲中雨霽天
綠楊輕鎖一村煙
瓦盆半醉青州釀
白水東頭看種田

閨思

柳色青青壓粉牆
珠簾忽到落花香
美人獨抱琵琶坐
燕語鶯啼枉斷腸

早春

靜掩茅堂隔市囂
讀書窗外鳥聲嬌
柳條乍暖全無力
暗倩東風擺舞腰

江樓閒坐

東風滿徑落花泥
獨坐江樓到日西
欸乃一聲沙鳥散
流鶯正在水邊啼

金陵夜泊

孤舟此夜泊金陵
月滿秋江玉宇澄
隔岸數聲何處笛
蓼花深處一漁燈

詩懶

夕陽門巷落花頻
老去能逢幾度春
兩日無詩方怪懶
一聲啼鳥又催人

春去

樓外青帘近酒家
鶯聲巷陌夕陽斜
東風暗地隨春去

幾日無人來賣花

出郭

出郭來尋野店春
暖風芳草駐遊輪
隔牆定是有花處
夾蝶亂飛香撲人

公子

五侯門館鬪回鷄
呼酒章臺日未西
却笑燕姬調醉客
花前爭唱白銅鞮

石倉歷代詩選卷四百一

欽定四庫全書

石倉歷代詩選卷四百二

明曹學佺編

明詩次集三十六

陳維裕

送何敬止之安慶

久別愁契濶一見情轉紆如何未幾月策馬復馳驅曉
出都門道和風吹長裾載酒雙玉壺酌君聊踟躕好鳥

對離席垂楊發清渠把酒未成醉却憶相交初癸酉歲
大比就試來于于當時誇特達抱負期共據荆山君獻
璞滄海我遺珠彼此或阻隔蹉跎音信疎君教錢塘上
巍然道自居湖蘇齊經學河汾播名譽我今忝登第乘
驄長安衢相逢話疇昔屈指十載餘公邸且為樂忽聞
降除書宦轍豈常聚仕途隨所如恪共各自勉離別安
足吁安慶俗齊魯諸生器璠璣到時正三月杏壇化日
舒臯比坐容與函文爭振趨師道素所講熟路馳輕車

長養九霄肅變化北溟魚倘因閒暇日尺書多寄予

同寅寄書以詩代答

有使自東來附書三兩封各有平安字捧至柏臺中開
緘是誰傳乃我平生友別來未幾時殷勤問安否友情
既具陳國事更諄諄誓欲誅奸宄何曾顧微身讀罷置
袖中引領深相憶小人重名利君子懷恥惜而我二三
人許國亦已深賢勞敢自任靖共持此心歎息猶未已
使者告歸去走筆題數言于以道情素

題九鷺圖

周人詠振鷺潔白與人比魯人詠振鷺舞者持其羽孰
謂彼微禽往往在所取而今畫圖中三三見栖止皎皎
毛羽鮮粲粲頂絲美玩之有深意可以勗君子

送副使鄧崇政

聖人御皇極治世躋虞唐天下皆鼓舞四夷盡來王夫
何有小醜邇者自荆襄弄兵敢稱亂嘯聚成猖狂郡邑
為騷動居民廢耕桑事聞上震怒愚民瀆天常即日命

大將十乘先啓行又命大司馬同行總其綱師出在嚴
翼不可無預防汝端作御史汝往繩怠遑臣端拜稽首
感激懷忠良戮力仗天威同心靖一方凱旋論功賞陞
秩沐恩光荆南既已定西邊復擾攘豈曰聖明世屢見
叛封疆蠢爾亡命徒招呼聚山岡不知聖恩撫漸有牙
距張倚險肆剽掠邊人亦憂惶天子曰無恐一將足以
當蒞軍遣元帥機務屬都堂糾察命臣端汝有聞湖湘
汝行務敬戒毋使妄殺傷命下咸發憤車馬出煌煌荷

戈忘辛苦歷險經雪霜深入抵巢穴驅戮如犬羊渠魁
受拘繫餘衆無潛藏邊塵成晏堵中外皆樂康捷聞天
子喜有功當盡償次第見陞賞大小無遺忘汝端兩效
職與汝金腰黃陝右邇邊境汝曹多名望汝作臬府副
職任汝自強再拜受恩命吉日戒行裝舉手謝朝列馳
驅辭帝鄉七月時雨霽都門秋氣涼路旁擁冠蓋祖道
陳壺觴相送不忍別攜手上河梁北風來拂拂河水流
湯湯斗酒傾未已旆帆風中颺共言當此去何以答聖

皇當知職分盡安肯負寸長皇皇夙夜際肅肅寅畏將
寃民頌定國奸貪避張綱殷勤同年友勸勉陳詩章

栢臺感興

晨坐栢臺上栢樹陰且濃羣鴉方蔽集曉日初瞳瞳風
吹栢樹枝玉露滴臺中臺下有芳葩朝來不禁風一動
盡披靡况能保隆冬於焉重有感使我德愈充若無歲
寒操對此亦何容

其二

南國有佳人安居在深闈貞靜備淑德婉孌多令姿中饋素所諳女紅亦其宜奈何家貧薄良媒不相知桃夭未見賦標梅已愆期隣人為興歎彼心終不移嫁郎須柯斧大節安可虧世間苟得者視之良忸怩

寄弟養志

別汝一載餘思汝心轉切不知汝在家所為何事業男兒貴立身出處當豪傑汝志素云養汝性亦不拙勉勵方成人優游總無益旦夕奉親餘無令廢書籍青春不

再至歲月莫虛擲有司取人才文章要矜式熟路馳輕
車任爾隨所適非我私杜讓乃我所親歷萬里寄汝言
為我銘胸臆

送金少卿尊甫致南安太守歸政

都門七月天氣涼榴花落盡楊葉黃送君載酒都門道
疋馬此時思舊鄉君家金陵江上住家世冠裳朝夕聚
蠹簡牙籤滿几牀芝蘭玉樹當庭戶自昔聰明夏不羣
讀書萬卷思匡君三策袖中未及獻一官贊務攄忠勤

九年出補南安守籍籍聲名滿人口列郡官僚不敢欺
繞村黎庶皆耕耨黎庶耕耘歲每登黃堂白晝清如水
門無私謁心常泰獄少寃民訟不興邇來考績朝帝所
卧轍攀轅民父母共願眼前留冠恂母令去後思何武
黃門有子久鳴珂遠來相見情如何人爭京國誇橋梓
君却還山慕薜蘿平明躍馬長安路綵繩玉壺酒如乳
遙波落木愴離情明月白雲引歸趣鳳皇山南白鷺洲
昔年別處今白頭秣陵風景常在目却羨長江天際流

送丘黃門甥林士元歸閩

南閩九月天尚熱北京九月寒將迫北居南人却憶家
一日梁橋幾人別君家舊住閩山陬柴門流水清且幽
薰風琴韻林間石清晝書聲松下樓黃門舅氏真儒者
每日相親情更雅春山載酒共追隨曲几新詩興來寫
一從去作青瑣郎螭頭載筆侍君王幾年會面不可得
萬里相思道路長相思萬里情無已跋涉擔簦遊帝里
都城城北忽相逢傾蓋論情一何喜朝回日日相歡娛

花下酌酒斟滿壺長安曉月隨吟步公邸春風拂坐裾
寸心乍伸歡未久又向都門惜分手滿天秋氣盡白雲
幾處微霜脆疎柳男兒讀書須成名看汝骨骼何崢嶸
相期折桂朝金闕還言似舅即賢甥

夜坐

公館歲將闌更深不覺寒宦情甘寂莫民隱苦艱難渡
近潮聲逼窗疎夜色殘何人沽美酒小酌斲成歡

題李叔玉太守園

不羨諸侯貴還尋畝畝春開軒臨綠野鑿沼養紅鱗橘
子經霜熟梅花近臘新興來多妙句倡和屬何人

寄表弟謝仲平

內弟吾鄉彥多才學亦優幾年客京國那肯謁諸侯齊
魯觀風過江湖覽勝遊琴樽今未共回首暮雲浮

又

為客江南地蹉跎兩見梅舊鄉殊在望家信數傳來晚
浪隨風急朝霜似雪堆良朋懷未已悵望獨徘徊

送趙廷振令海豐

無諸城外逼初冬，送客南行思不窮。
近岼蘆花飄淺素，平山楓葉墜殘紅。
地連百粵通閩嶠，路出三陽是海豐。
君去治民須德化，蠻歌和處草從風。

題李梅庵太守園亭

歸來林下自仙流，結構茅亭事事幽。
二頃稻田春徧種，一區蔬圃熟堪收。
甕頭酒美臨池酌，花下詩成與客酬。
此外紅塵都不到，何妨山水恣夷猶。

曹南詠柳

雙河流水日悠悠
曉際微濛片月幽
色映石橋宜客坐
光搖蘆渚駭魚遊
幾家砧杵聞前岼
何處書聲起近樓
五馬觀風人早起
也宜清興豁吟眸

又

桑柘成林一望遙
長村景物此時饒
初生細葉籠朝露
下長柔枝近野橋
秋社散時人踏影
春蠶眠起女攀條
從今民免無衣歎
善政行看播頌謠

江田陳氏家傳云公諱維裕字饒初自幼力學通經史善古文詞精于篆隸天順庚辰成進士廷試對策稱旨擢河南道監察御史特旨凡天下大小官員不法者得以便宜糾核公既承知遇慷慨直言章疏無虛日居官廉介端勁執而不回遇事立斷人服其當雖戚畹大臣一無所回互海內望其丰裁奉詔典試兩京時曹石用事請託不阿仍抗章劾之曹石環泣上前泥首訴寃不為之動云

石倉歷代詩選卷四百二

欽定四庫全書

石倉歷代詩選卷四百三

明 曹學佺 編

明詩次集三十七

吳汝弼

遊黃嵐坑

桃李薰太和晴光爛如許寧知明日花不有宵來雨芳
原縱游衍呼童供笑語徘徊綠蘿峰悵望清溪澈皞皞

固同胞熙熙盡吾與悟彼靜者心樂此勤時趣煙村歸
去遲暝色迷雲墅

遊南岡及下陂山水

朝出蘿溪坂夕返蓮塘曲煙樹眺參差岡巒媚重複道
泰物本小慮澹意自足山人留酌斟舊侶論心腹歸來
美清夜雲和暢寒玉

牧黃嵐坑

朝來抱微疴殘編減新課出門悵何之言歸無所作忽

乘谷口興偶此崇岡坐契彼造化微覺我頽齡情振衣
一嘯歌煙村夕陽墮

牧轉岡頭

褰裳陟崔嵬沈吟不知去塵襟一蕭散逸興迷雲樹梅
殘誰氏花麥漲朝來雨隣牧左右來往事更相語預期
明日晴重作青山侶

遊龍門七寶寺

病軀愜初景動息頗自由不愆風雨倦來貪山水幽穿

雲路窈窕搏空行
遭週危峰傑筆卓
疊嶂翠屏稠契我
遺世想遂此物外遊

沼上編茆為亭
取程子秋日之詩
名曰自得夜
坐其中因成此句

幽懷不能寐
攬衣造新亭
曲池湛華月
芳樹還冥冥
羣峰遠映帶
一水近洄瀟
坐久歡未竟
夜迥氣逾澄
寂感玄化微
伊洛歆餘馨

題水竹居

結架媚閒曠，負然面寥廓。水環白雲隈，樹帶青山郭。雲霞生我衣，魚鳥同人樂。曰余固靜者，佳茗留賓淪。意遣澹忘歸，會心彌灑落。緬懷恍如夢，賦詩酬舊約。

贈王徵士

卧病白雲中，苦身正懷舊。忽枉故人盼，青山得攜手。晴窗坐南薰，薄言勸春酒。眷然惜離羣，問答殊未久。荒村多寂寥，還能重來否。

別鎖秀才

覓渡臨清流故人更同舟細語昨言詩別懷總悠悠送
送山之麓春花多躑躅長揖東風前浮生兩相勗

遊南坑岡

松邊涉幽徑天朗雨新霽矯首立崇岡疊嶂羅迢遞塵
慮都澹然二儀足清氣妙趣匪言傳飄飄離人世

圃內

長夏日已晚歸鳥皆投林幽獨悅茲圃把書行且吟花
竹流芳淨蔬果生意深兩間有妙趣長契靜者心

四月四日

客牀起復眠中心悵遐慕嗟我羈旅人茲且惟初度豈
獨別離深鬢髮久垂素形留空役神迢迢滯江路

宿章廣文館

虛齋罷清話拂牀事枕席青燈滅餘燼斜月流素壁第
子富書聲感之增歎息沈疴久纏綿那由共茲夕

月夜憶友人

階除境向寂客思渺無依美茲風月夕正是懷人時欲

敘平生心相見各未期百年若流水如何長別離

聞笳

扁舟晴泊桂渚沙葦苗滿目稀人家夜江漠漠星橫斜
東風吹鬢憐春華隔江巨舫寂無譁數聲悲響空中笳
響徹碧霄誰怨耶悠悠綠水天一涯

山中歌次王右丞韻

地寥寂兮山深聊棲遲兮林木欲寡過兮身輕日往來
兮幽谷行愧今兮交疎心悲古兮趣獨理桔槔兮灌園

更塞羅兮補屋晨光澹兮觀魚夕陽收兮飲犢居從靜
兮積塵歲願豐兮登穀戒迂學兮狗名嫌芳志兮干祿
惟造道兮是期何富貴兮可卜

即事

吟斷難成調塵編重譯尋興亡今古事寂莫野夫心新
月何時滿寒蛩無數吟夜深雙過鳥猶自戀高林

過南康

迢遞見危樓家家枕碧流山高雲氣近江濶浪聲浮事

業懷先哲英雄慨昔遊幾多今古興斜日滿芳洲

寄梁訓導

未到都昌縣相思預計程連綿官舍飲浩蕩故鄉情柳
色雨來長梅香霽後清極知期待遠別語記分明

山行

野水荒村僻雲林細路斜晴松張翠蓋秋果熟丹砂帳
望淹鄉曲蹉跎改歲華西風吹薄袂興緒遶天涯

登擬峴臺

地據東南勝臺分襄楚名人煙繁近市竹樹間層城愁
逐登臨散神因眺望清窮通看萬物未易達浮生

贈戴錦舟先生

樽酒黃城夜交期是偶然文章元共貫談笑劇忘年近
臘梅初放凌寒菊正鮮同衾坐無寐高興雨綿綿

送饒提舉之官廣東

奉節承深寵之官過舊鄉親闡春漸暖宦路日舒長嶺
樹連雲綠江流過雨黃倚門應有望雁信好頻將

讀罷

隱几初收卷
巡檐更出庭
晚雲隨雨散
霽月近人清
客久無違性
吟多獨稱情
榮枯何足問
清白是家聲

曉出

際曉出柴扉
清涼過雨時
落花香滿徑
芳樹綠成帷
鳥哢有餘暇
水流無盡期
值予歸興發
閒咏正相宜

贈別友人

惆悵一年別
殷勤百里來
冰霜苦節在
宇宙壯懷開
白

雪傳新卷青春遞客杯紛紛楓葉下獨伴野人回

別西湖

送送長村外新詩咏不休浮雲日色薄隨地露華稠曲
逕緣林轉深溝帶葉流家山應暫住更得話綢繆

禪嶺卽事

傍險躋攀倦臨高眺望賒天連蒼野濶樹帶小村斜晴
靄山何處寒煙屋數家躊躇懷往事容易改年華

睡起

卷四十三
久客逢寒食，芳年損病心。
幾時鳴雨歇，終日落花深。
親夢凝官舍，鄉魂繞故林。
晝長春睡起，寂寂寫孤吟。

柬朱學正先生

伊昔起予深，相逢久別心。
老成欣德重，薄劣愧年侵。
夜雨添新思，秋風憶舊吟。
正期談笑密，還念欲分襟。

重訪盛山人

舍館曾留宿，園林此更過。
菓嫌秋熟少，苗歎雨傷多。
寄遠書應達，移居事若何。
秋風微冷後，有待碧山阿。

寓寶應寺

古塔饒高興重臨又幾年雲煙清曉際花柳仲春天
病眼得無恙塵襟已曠然題詩人欲去好鳥正蹁跹

族叔父仲學先生春月承訪時賃屋方定茲別
數月矣有懷寄詩

憶昨煙花暖正繁偏勞玉趾到山間寓居蹤跡今方定
入道工夫總未閒囊裏有書供日眼樽前無酒醉春顏
別來新趣知多少濯濯垂楊在水灣

秋曉

風來夜枕寒雲生
曉窗雨旅思共秋清
遙思故山侶

新莊渡

渡頭舟已發
隨意坐芳洲
白石聊為硯
題詩蘸碧流

友人至

獨繞煙村來
共茲玩雲月
細語夜已闌
深意殊未歇

縱步

幽花發清香
芳林漲新綠
閒聽山中禽
更倚籬邊竹

村中即事

春光被四野行欣物華茂寂寂竹林邊幽禽語清晝

彈琴

寂寥春夜間几閣孤燈照邈爾形役忘絲桐正清妙

沙陂

長煮石鑄冰廣浣溪中雪清風生夜寒澄泓浸秋月

曉起

夜氣春融和曙光晴皎潔漠漠碧雲端斜露清輝月

大同峽

秀峙交翠屏清吟響寒玉谷鳥時一鳴蒼苔此幽獨

宿湖頭

野曠雲俱暝江空雨未休問程頻策馬燈火宿湖頭

宿格山禪林寺

騎從無勞發秋山與客遊禪窗無寐處竹月湧寒流

野橋小憩

晴日催歸路平橋又息躬雲峰四面碧霜葉一溪紅

龍井道中

石壁話龍湫，青山夢裏遊。
長亭新霽雨，隨處咏高秋。

宿上清真應觀

細雨長途暝，投裝處處艱。
何如高枕夜，清興在茲山。

坑口舖

回頭候火伴，遲遲行復歇。
山舖時問名，陰崖忽逢雪。

宿白梅洲

道傍茆屋是誰家，薄暮東來一稅車。
敗壁不堪題姓字。

時從籬櫺看秋花

雙燕春日營巢簷間未成而去夏復成之因

題絕句

憶昨初開桃李花
銜泥飛傍小窗斜
春風一去無消息
何處歸來更作家

松下

倦來更向山中憩
滿逕松陰白晝長
藉地不知孤坐久
遺編初誦兩三行

感興

月到芭蕉影坐斜
好天良夜興無涯
金風聲漏千竿竹
玉露先生一砌花

題畫

瀑洗層崖淨世氛
陰陰苔徑足南薰
日長誰是山中伴
袖手前溪看白雲

墨梅寄同安李宜之

學疎才薄諒何為
牢落塵蹤閱歲時
祇有梅花共心事

便風吹向故人知

山中即事

水自幽偏山自深
竹窗花牖晝沈沈
逢人若問浮生事
半是閒眠半是吟

柬陳進士

獨凭吟几坐清朝
閒看行雲面碧霄
忽憶故人秋寺裏
西風琪樹雨瀟瀟

曉立

靈臺清曉玉無瑕獨立東風翫物華
春氣夜來深幾許
小桃先發兩三花

感舊遊

石橋門巷落花深
晴日光風鳥亂吟
人事暗隨春夢換
綠楊還似舊時陰

上頓渡舟中

驅馳年少未應勞
萬事無心任所遭
收拾琴書辭故郡
江山隨處是詩豪

登舟入楚

步出湓城弔古餘
前程仍復是舟居
客身到處無榮辱
隨分蕭條兩篋書

枕上絕句

賢聖微言玩愈精
夜分無寐更分明
十年醉夢迷南北
一點寒山雪後青

次梅根

風色蕭蕭生暮寒
月明催棹下奔湍
孤舟繫穩更相勞

又得長江一日安

板橋客夜

達得浮生去住輕
江樓遇夜旅魂清
遠書作罷孤燈靜
霜月淒涼雁數聲

贈傅秉彝

洗墨池邊春草長
重來懷舊意茫茫
蹉跎容易青春晚
秋鬢能禁幾點霜

閒趣

野水雲山隔市塵日憑閒散養吾真
茆簷週匝多芳樹
行處清香暗襲人

寫懷

意緒依依萬感餘羸軀應只傷樵蘇
哀歌欲寫難成調
幾倚霜簷對月孤

夜牧

涼氣蕭蕭露滿衣碧天如洗月光稀
浩歌一曲孤村寂
綠樹陰中牧犢歸

灌禾

田頭一一荷鋤過自放寒流灌晚禾隨分不辭筋力苦
坐看明月好懷多

懶吟

時止時行學養痾人心天氣共融和好懷却怕詩拘束
不似前時苦思多

同士當度橫琴嶺

仄徑依稀落照殘行臨絕頂暫怡顏他年記得耽幽處

煙樹參差遠近山

贈故里親友

跋涉西還訪舊居
故人心緒總何如
平生拙學無他技
到處逢人勸讀書

寄胡子貞

空慚廢學不成章
半百年華感興長
惆悵故人頭總白
青山歸夢遶蓮塘

望家山感懷

望望家山近故丘西風足馬悵高秋舊遊歷歷人如夢
昨日少年今白頭

發桂家林

故人迎候暫維舟行李匆匆去莫留白首相逢多病後
西風斜日兩綢繆

宿板溪

離却篷窗宿此溪青燈華屋夜吾伊芳筵倦酌辭清醕
隨意閒裁聽雨詩

客夜

苦心遙夜歎浮生時聽書聲雜雨聲
但得晴明遊覽畢
青山回首數歸程

九蓮寺即事

竹樹深深隔世機野人心事幸無違
簡編隨意閒舒卷
盡日春窗獨掩扉

重宿白陽寺

策馬平橋又問禪
萋萋春草月娟娟
蕭然一榻平安夢

夜半溪聲落枕邊

自慈明寺東遊龍安鎮

面面春山湧翠華
灣灣綠水漲晴沙
客懷恰喜東遊好
高下樓臺遠近花

題樟溪書屋

桑梓陰陰接兩湖
湖邊心事寄俞都
風流雲散春光暮
幾對溪頭夜月孤

閒中偶述

花木沈沈庭寂寂蒼苔盡日稀行迹支頤窗下一沈吟
人間幾片寒山石

發孔家渡

茫茫新漲漾晴洲華髮寧知非勝遊未了平生山水債
又從臨汝附扁舟

南康舟中

滿懷今古悵悠悠舉目江山盡勝遊華髮又堪來幾度
可無新句詠清秋

牆下對淮山獨坐

徐步閒來藉草吟
淮山面面感人深
若為飛度晴嵐表
一覽中原暢夙心

寄贈李春

天柱峰前憶舊知
江湖秋興轉淒淒
金臺早得春消息
好寄東風汝水西

次嘉興

越中程盡入吳中
攜李城頭問阿蒙
懷抱心期何處寫

一江煙浪雨冥濛

夢與三人觀漲擬同訪朱子

曠百千秋感慨深
依依不料是何心
金鷄忽報春窗曙
惆悵殘魂帶病吟

宿西廨彭氏

宿雨天晴路不賒
高堂綠酒映燈花
金鷄聲裏微吟覺
歸夢分明先到家

發張家石

黃昏西北浮雲歛清夜東南霽月明紅日滿窗春睡穩
拍天新漲棹歌聲

貴溪道中

懶慢宜閒不得閒衰齡却事道途間曉程匆遽巖牽路
晝夢依稀在故山

夢家

百體衰慵兩眼花雲山久已隔紛華宵來魯水橋邊榻
一片離魂只在家

舟中見紅樹

船頭時作望鄉吟
難寫浮生去住心
却恨不知為客久
誰家紅樹報秋深

發石頭城

舊遊將徧問歸程
晴色東風一舸輕
楊柳堤邊吟望處
青山猶是石頭城

次荻港

晴蕪眺罷事霜毫
點染秋雲散海濤
餘興歸來眠未得

蘆花寒月滿江臯

進賢道中

詩思鄉心共落霞
連村紅樹勝春花
少年髣髴曾遊處
獨立蒼茫兩鬢華

遊塔山

去歲茲晨發望江
風帆夜泊小姑旁
來歌此地懷萍梗
紅樹新晴候早霜

寄郡庠陳廣文

濫竊時名負愧多勞君兩辱碧山阿墨池泮水宵來夢
紅樹西風寄短歌

後遊山

昨日登臨興未窮重遊喜得數生同峰頭徒倚忘歸處
詩在雲煙杳靄中

自楊溪過葛藤科

港下歸鞭問葛藤名科山水總含情朋遊迎送秋江晚
古渡寒流月影清

發儀真埧

戊寅此日度真州埧上閒書幾字留薄暮喜投楊子宿
青山近接石城秋

舟中即事

蓬戶青燈照夜長觀星翫月水雲鄉候當小雪寒猶淺
十月初旬始降霜

萬石渡舟中

抄書曾作豫章行記得扁舟此夜橫異日重來頭盡雪

不堪惆悵憶平生

發豫章

掛席西來孺子亭
小陽春煦快輿情
滿懷今古憑誰問
獨對西山一帶明

邵武道中

到處濺濺水澗通
回頭頻憶白雲蹤
每逢佳境凝眸久
細數春山遠近峰

宿分水嶺

躡盡崎嶇山復山
白雲堆裏宿闌關
瀟瀟風雨清明候
千里琴書此地還

蔣蓮鋪

當年曾此課兒詩
渴立途中澗飲時
物候幾經新節序
布衣猶是舊心期

午爨白沙寺

沿道逢人問白沙
樵蔬喜達老禪家
竹林清趣微吟罷
素壁題名日未斜

別謝步

遺編已返司成宅行李言還賤士家紅日清霜新雨後
高吟隨處看梅花

與豫章吳生沼上亭子話舊

兩地關心久別情相招亭子話平生青藜緩步歸來好
細詠新詩對短檠

石倉歷代詩選卷四百三

欽定四庫全書

石倉歷代詩選卷四百四

明 曹學佺 編

明詩次集三十八

羅倫

和陳白沙

君年四十八我年四十五百年幾會面念此長恨苦金
臺首相見各致霞外許擁懷素心人動輒屈指數賁然

三子來歡聲撼茅宇瀧濱是曹溪連宵對牀語

松雲為易德元父世衡題

崢嶸白雲東松樹幾千尺曾經秦漢來萬古橫一碧黑
風捲青山白晝飛霹靂須臾洗層霄見此太古色穿簷
清露繁研硃點周易

讀太白詩

太白橫西天萬古色不改至人孕元化風豪驚百代青
天騎白龍傲蕩弄雲海太白邀我來招手六合外悟然

若無言迷途杳非礙

定陳僉憲粹之和四皓圖

秦坑氣熱天商山色好一鹿走寰中孤鳳鳴秋昊多
謝赤松徒設網招此老片語回天心一氣噓萬槁遂令
箕帚妾敢把漢宮掃噫嘻隆準公作事何潦草

金鼇霽雪

東極蟠金鼇寒通雪山白祝融鞭火龍六月銷不得曾
上金鼇頭已在崑崙側只恐金鼇飛白玉橫天勒

三峽迴清

百里蟠天城天河下縈互羣龍吻淵潛衆蛟輕使負源
通崑崙丘影接扶桑樹日暮聞棹歌武夷是何處

遊翠玄幽玩

玉堂囊青山母乃巨靈擘羣仙燕清都一壺春拍塞紫
氣來青牛窈然望南北指點極虛無太玄本無色

挽揭竹菴

竹菴亡此老伏臘走比隣碧草他生夢黃花幻夢身石

田孤鶴瘦煙水五湖貧却憶經行處西風淚滿巾

南村別墅為饒松坡題

吾愛南村好頻過處士家白雲留客住濁酒隔牆賒陰
壑藏春雪清溪洗暮霞自今來往慣薇蕨早生芽

公甫感秋有吟因寄章德楸莊孔賜及倫三人

因次其韻

天地秋氣動萬竅無定音山河孤鶴夢風雨一龍吟青
眼有時客白雲何處心思君令人老華髮長千尋

佛嶺

胡塵特地起孤憤柰天何翠玉樓前淚黃雲塞下戈二
龍爭北野孤鶴夢東坡却憶樊籠外乘槎欲泛河

扇和巖次容彥昭

陽和在深谷氣候無冬春山魃憎過客巖燕喜來人風
軟瓊枝脆天清玉宇新桃花逐流水去住任天真

毛氏西園次容彥昭

毛氏西園好溪南未有之參橫虎出夜松暝鶴歸時病

骨青藜杖秋香短竹籬
小窗孤榻在合眼見巢夷

書崇仁萬山僧房廖欽止處登瀛州達此寺三

十里

王道荒東漢山名自太康
璣衡斟北斗雲雨動西方
客夢雲隨鶴禪心月在牀
登瀛三十里前去滿風光

送饒經歷還金谿

問病來金嶂高談徹玉關
何人無白髮吾道有青山
雲水流行處漁樵問答間
孤舟今夜別明月共君還

題徐節婦卷

懶拈鸞鏡掃蛾眉，羞見楊花別故枝。
芳草有情還夜合，貞松無夢與春移。
婦人自我如男子，造化從他似小兒。
一片鐵心編不盡，直從刪後更無詩。

答夏憲副止菴見贈

高堂明鏡萬莖秋，屋上西風撼不周。
鑿沼且留明月住，買山初為白雲謀。
誰呼鐵笛先招鶴，自着蓑衣早放牛。
道在莫須同出處，此心還向止菴求。

題饒雲峰山水

年拋造化外氣入煙霞間夕陽林下路白髮照青山

又

素琴本無絃白雲本無心虛舟在野水從知浮與沈

題饒松坡畫

雲移山不動客去水相隨高卧南窗意羲皇祇自知

又

一棹歸何處柴桑是我家莫言嫌一飽籬下有黃花

夏

高閣不受暑，脩然午夢涼。
棹歌何處起，清吹落滄浪。

寄廬陵鄉城梁德剛歸自南雍

笑殺梁園老秦淮，醉幾秋歸來無一語。
酣意看吳鉤。

題蘭與饒裕

翠袖舞春暉，光風感自微。
夜深渾不寐，玉露點羅衣。

題竹與蕭球

玉英臺下路，半夜舞青鸞。
龍孫眠不得，疎影上欄干。

和林緝熙題宣和殿臨韓幹馬

夢入黃鸝紫殿陰
天津空費杜鵑心
宣和玉輦君休問
老在西風五國林

中秋日送馬生歸南海

青天拾得中秋月
照破闍浮萬劫塵
昨夜長風吹不斷
清光隨着海南人

題新喻袁孝子方泰草亭

風花高下草煙青
春滿袁家孝子亭
阿母瑤池香夢香

綵衣猶隔翠雲屏

送蕭主事廷珍回江南

塵逐西風散馬蹄
江南歸思朔雲迷
耳邊聞得田夫語
昨夜前村雨一犁

送人還鄉

江漢西風吹客衣
滄波浩浩一舟微
柴桑若問陶彭澤
不為黃花解印歸

偶書

問道蒼生淚滿衣
病多偏與素心違
羊裘不着寒江雪
只裏春風卧釣磯



石倉歷代詩選卷四百四

欽定四庫全書

集部

石倉歷代詩選卷四百

五至八

詳校官編修臣謝振定

侍讀臣孫球覆勘

總校官進士臣朱 鈐

校對官中書臣汪學金

謄錄監生臣費元震

欽定四庫全書

石倉歷代詩選卷四百五

明 曹學佺 編

明詩次集三十九

陳獻章

試太學和龜山此日不再得詩

能飢謀執稷冒寒思植桑少年負竒氣萬丈摩青蒼夢寐見古人慨然悲流光義利分兩途析之極毫茫道德

乃膏腴文辭固粃糠聖途萬里餘髮短心苦長及此歲
未暮驅車適康莊

自策示諸生

賢聖久寂莫六籍無光輝元氣五百年一合又一離男
兒生其間獨往安可辭邈哉舜與顏夢寐或見之顧余
獨何人瞻望空爾為年馳力不與撫鏡歎以悲豈不在
一生一生良遲遲今復不努力虛浪死勿疑請回白日
駕魯陽戈正揮

冬夜

長夜氣始淒木綿被重裘端坐思古人寒燈耿悠悠是
時病初間背汗仍未收學業坐妨奪田蕪廢鋤耰丈夫
庇四海而以俯仰憂口腹非所營菽水吾當求明旦理
黃犢進我南岡舟

夢觀化書六字壁間

孔子曳杖歌逍遙夢楹後我夢已逍遙六字書在牖聖
愚各有盡觀化任驅走問我年幾何春秋四十九死生

若晝夜當速何必久即死無所憐乾坤一芻狗

感劉琨與盧諶事

越石信英臣子諒亦文雅生遭晉運微奔走風塵下晉
陽嘯明月胡雛夜回馬并州困石勒從事為別駕成敗
非所論吾憐鑿坏者

移居

萬金論買隣千金論買宅豈不念子孫而以營朝夕長
揖都會里來趨白沙役壤地何必廣吾其寄一席隣曲

彌樂今園林尚懷昔吾志在擇善無然後離析

又

留連晡時酒吟咏古人詩夕陽倚秋菊采之復采之采
之欲遺誰將以贈所思所思在何許千古不同時四海
倘不逢吾寧獨去茲願言秉孤貞勿為時所欺

九日閒居

無錢撫秋菊向夕涼風生誰為白衣者頗識江州名映
杯碧水淨曜日丹葩明天際雁孤往草根蟲一聲荏苒

委時節徘徊閱年齡興來發長歎意盡還一傾儉德苟
不慙厚祿安可榮白首希高賢清謠渺遺情人生亦易
足何必勤無成

和郭主簿寄莊定山

青松出喬木遙望十里陰少年不結友歲暮懷同襟同
襟問為誰定山攜一琴悠然操一曲不辯古與今在昔
經江東多士余所欽論文盈觴酒惟我與子斟豈意千
載下復此聞韶音我病不出戶何時還盍簪茫茫宇宙

內與子契其深

贈羊長史寄遼東賀黃門欽

此心自太古何必生唐虞
此道苟能明何必多讀書
寂寂委山澤于于來京都
斯人各有分彼此何能踰
杪秋風日清呼兒理肩輿
聊為玉臺遊言笑誰與俱
屈指意中人一坐一踟躕
聖道日暮塞誰哉剪其蕪
之子久不見吾生何以娛
常恐歲月晚况與音問疎
申以伐木章

一日三卷舒

飲酒

木犀冷于菊更後十日開清風吹芳草馨香襲人懷昔
者東籬飲百榼醉如泥那知此日花復與我酒諧一曲
盡千杯酩酊花間迷赤脚步明月杯盡吾當回

庚子歲九月中于西田穫早稻

遲明向南畝疎星在簷端夫出婦亦隨無非分所安道
旁往來人下車時一觀問津津不知仰觀飛鳥還籩
遠時夕濯足荒溝寒吾惜耦耕好焉知世路難伐鼓收

西畚黃雲被江干聊用代糟糠作粥歡賓顏

懷古田舍

君子固有憂不在賤與貧農事久不歸道路竟徒勤青
陽動芳草白日悲行人沮溺去千載相知恒若新出門
轉窮厄得已聊一欣甘雨濡夕畛繁花暮春津獨往亦
可樂耦耕多近隣百年鼎鼎流水從耕桑民

紫菊一首寄林時嘉

嚴霜百草枯三逕挺秋菊綠葉明紫英微風遞寒馥芳

情謝桃李雅望聯松竹懷哉種花人香在江一曲遺我
盞中金南窗伴幽獨時無續騷手憔悴當誰錄且脫頭
上巾茅柴今可漉

秋興

西風振庭木虛堂夜蕭蕭攬衣起步月歸雁雙飄颻天
地豈予獨知音不可招冥心祈有合悵望空雲霄

望羅浮

大山必有靈土高豈無異翠浮幾千丈日月東南翳我

尋五岳來未問仙家事絕頂望九州衡山正西峙

贈陳秉常

遠色霽初景清風振遙林子來入我室弄我花間琴正
聲一何長幽思亦已深願留百千歲贈子瑤池音

送李劉二生還江右用陶韻

夜聞桂樹芳晨起山鳥喧客從遠方來歷我階西偏手
持諸公書徵會在匡山我願結其人遂往不復還滯形
宇宙內俛仰獨何言

贈世卿

青青牆下竹冬後色如是燦燦月中花歲寒香不墮新
知語未足遠別情難置獨上江門舟北風日凌厲

有懷世卿

時雨日夕來郊原藹新綠白雲被重崖下映寒塘曲情
紆竹上言魂消井邊躅三年隔瀟湘書至不可讀

又

伏枕廬山下春懷慘不舒哀絃久去耳風韻今何如灼

灼花自媚嚶嚶鳥相娛高臺夕流盼古道行人疎

又

煩囂謝人境抱膝山臺居柰此枝上鳥交交春雨餘少
年耳目冗衰老不能虛安得魯連子從之泛江湖

送劉方伯東山先生

未別情何如已別情尤邈豈無尺素書遠寄天一角江
門卧煙艇酒醒簑衣薄明月古松間清露灑孤鶴

蔣韶州書至代簡答之

相別何悠悠梅花卜寒整音塵中斷絕宵若墮深井忽
枉尺素書開讀喜不定庾嶺秋正高揚旌下松逕君才
足理郡韶民日延頸古來水火喻子產功在鄭歲計諒
有餘願聞下車令

再贈周文都

十年兩別君一別一回老問藥朱陵遊吾茲恨不早平
生憂樂下相對各傾倒遠別望眼昏浮雲不堪掃

偶得寄東所

知暮則知朝西風漲暮潮千秋一何短瞬息一何遙有
物萬象間不隨萬象凋舉目如見之何必窮扶搖

除夕呈家兄

去年除夕色未槁今年除夕兄已老小弟朱顏不如昨
但說窮通無醜好山中茅屋二十年日月逝矣如奔川
兄弟五男并二女啜菽飲水同炊煙慈母年高白髮少
二十孀居憂未了眼前黃口那得知爭覓梨栗相喧炊
我年未老筋力衰耒耜即付大頭兒童牛生角未登壠

為我且給通家糜

脩外海赤坭嶺墓作

赤坭岡頭封馬鬣生荆死竹無日月晚生曾孫賤又劣
仰首蒼天淚流血載鉏入山日已決北風吹我篙櫓折
悲鳴中夜聲嗚咽曉踏荒山馬蹄熱開榛伐樹功務捷
指揮羣僕口喋喋須臾豁見天然穴高下山川甚蟠結
西南諸峰青不絕東北漫漫海波貼向來淺土悲滅裂
再掘又恐靈氣泄復以玄石置墓碣永示雲來千萬劫

人生貴賤那可必下山復作兒女別

有鶴寓懷先友丁彥誠邑宰

有鶴獨覓臨江樓雪衣迥映江天幽問爾莫是蘇耽流
蘇耽一去三千秋人間膏火不可留欲往從之嗟無由
鶴聞我言九回頭欲去不去增綢繆四野無雲風颭颭
矯翮萬里須臾周顧我欲下非丁侯

題馬默齋壁

屋後青山屏翳合簷前綠樹煙花匝主人閉門屢不納

跣趺明月光繞榻客來問我笑不答但聞山鶯啼恰恰
橙橘盈園野芳雜門外一江深映閣四時八風誰管押
煙飛霧走龍騰甲拙者孤舟持酒榼成化十年甲午臘

贈陳冕

南有滄溟水北有崑崙山我屋正在溪山間瞻望不遠
行寔難白雲朝暮常漫漫桃花欲開梅又殘問君此去
何時還

偶得

衡山西遊何時還
暫寄漁簑水石間
又恐風吹江日殘
扁舟打落蘆花灣
教兒且築大雪山

止客宿

為恨開年雨江村
馬迹稀諸君能枉拜
今夕不須歸歲酒
堪投轄人家欲掩扉
仍聞僕夫語畏逐駿蹄飛

石門

白髮非公事扁舟
進此門山雲寒不雨
江路曲通村玩世
吾何有長途馬不存
晚來堪一醉江月照空樽

對鶴

吾晚病兼貧麻衣穩稱身朝來參兩鶴花底作三人日出東南雨鶯啼宇宙春三杯下衫袖拂拭舊龍唇

懷古次韻王半山

相逢疎柳下賓主兩忘言處士乃無履江州初到門低頭入茅宇散髮對金樽長揖朱轡別狂歌向小園

即席賦

林際夕微涼池塘散月光呼兒看酒具待客飲江鄉月

對歌筵徒風拖舞袖長人生行樂耳歸棹擬相將

盆池栽蓮至秋始花

秋露開炎萼非時不遣誇盆中玉井水溪上春陵家酒
醒涼風發詩成缺月斜願為若邪叟種水作生涯

秋坐碧玉樓偶成

造次中秋過商量九日來詩將秋景澹菊為老人開時
節陶潛醉江山宋玉哀平生滄海意不受白鷗猜

秋晚

皎皎月又缺鮮鮮菊可收汀雲迷島嶼山雨落扶留市
有屠牛机江連邏吏舟恐無賒酒處垂白對清秋

苦熱

晚涼慰我渴秋暑着人煩拄杖緣溪足看潮到柳根哦
詩衰骨痛開卷病眸昏六月飛雲冷相思只斷魂

枕上偶成

折簡無官府蒲團了歲年岩雲交樹白水月印沙圓懶
甚陶元亮聞于魏仲先吾曹先分薄於福敢求全

春日江村

草帶籬腰綠花簪石頂紅
林園開晝景鶯燕語春風
山靄霏霏合江流渺渺東
獨來橋畔路高柱過眉筇

病疥可后山韻寫懷

病枕愁更永籠燈對夜長
千年無鮑叔一懶有柴桑
兒請栽瓜地妻評作麩
方花時呼酒伴酌酊出扶牆

題新村書齋壁

茅棟依岩靜柴門洗竹通
桑榆巷南北煙火埭西東
一

逕漁樵入孤村井臼同隣家得美酒吹笛月明中

是夕范生小酌

日月雙輪轉乾坤一氣旋是時冬始閏細雨夜如年人
語斜風外村聲落葉邊憑誰給燈火更坐讀殘篇

至容貫宅

在昔偶相遇如今共白頭敝衣寒露肘破屋早知秋家
業憑觚翰厨煙管去留老翁如辟穀與子入羅浮

贈謝德明有事赴廣還

月落五仙城，天空一雁鳴。
離愁動江色，歸纜解鐘聲。
鷺應船謳起，溪尋酒幔行。
經過不買醉，貪嗅早梅英。

答惠州鄭別駕惠葛布

惠我一端葛，裁衣笑不奢。
賦詩酬別駕，愛酒典隣家。
獨酌秋風裏，浩歌山月斜。
醉魂不覺遠，卧探惠陽花。

至陳冕家

遠樹晴堪數，孤雲暝欲遮。
自憐江海迹，能到友生家。
落日明江色，輕風動麥花。
相看吾鬢白，不必問年華。

南歸寄鄉舊

自愛愚公谷誰過野老家時依當戶竹閒數上牆花鳥
立溪槎靜牛爭崦路斜懷中嬌小女學語解呼爺

寄太虛上人

太虛坐石洞孤絕少人依遠客攜琴至逢師乞食歸一
蒲青草上四面白雲飛盡日無言說岩花落滿衣

寄廷實

無才慵作吏有酒喜迎賓老更耽高卧時還近俗人鐘

鳴山寺遠月出土牀親何處期吾子笙歌玉洞春

景雲田萌尾

簑笠堪從事少年農圃情乘潮打兩槳落日照孤城山
廟題詩過汀鷗伐鼓驚提攜新耒耜寂莫舊棋枰挾被
防春冷攤書快晚晴兒曹依本分吾道在躬耕

茶蘼將開值雨

相看無語只沈吟蓓蕾枝頭已簇金山雨不來昏晝景
東君容有妬春心較量花品終何益茫昧天機亦自深

明日陰晴還未定一樽何急對花斟

苦熱

尋常衣汗濕青荷爭柰連朝溽暑何象內陰陽分老少
年來天地少中和水枯瓦沼蛙將徙日炙山枝鳥不歌
一事傷廉非得已竹林冰簟受風多

不寐

丘首寧忘溝壑心白頭冰雪更相侵妻烹野菜晨供飯
兒點松燈夜對琴賦拙任留司馬壁碑成不賣退之金

無端婚嫁相料理獨聽疎更到夜深

留別諸友

崑崙西北是官陂滅迹煙霞我自遲
獨往恐逢江上雪相思還寄隴頭枝
風雲想見千年會消息終還七日期
總為高堂苦離別人生菽水幾何時

石門次林緝熙韻

孤舟昔繫飛來寺白首重來十四秋
君看秋風吹鶴鷁何如老子坐青牛
留情世事終何補得意雲山亦易休

見說夔龍滿朝著九重應許放巢由

回岐道中

回岐接水樹冥冥又是朝京一日程
兩耳如聞重譯語幾時不見五仙城
朝無兒穉歌行酒夜有巡船卧打更
欲識羈情多少在崑崙峯上白雲生

晨起將出尋梅

朝煙橫野犢鳴陂索杖山齋睡起時
田父許留今日醞梅花不欠去年詩
衝寒索笑來何處帶病尋香出每遲

彷彿西湖夢中見水邊籬落兩三枝

元旦試筆

六載虛叨供奉臣白頭吾亦兩朝身閩闔擊壤今弘治
簡冊編年又戊申日色小薰穠李晝風光欲醉乳鶯春
廬岡此景誰分付也到江門不屬人

六十一自壽

世間甲子是何年母鬢雙皤子亦然十數曾孫羅膝下
兩三杯酒笑燈前尋僧野寺花迷逕吹笛江門月滿船

聖主萬年歌不足聊將鼓腹詠堯天

春日偶成

蛺蝶飛飛花映窗流鶯恰恰柳垂江出牆老竹青千箇
泛棹春鷗白一雙暖日暄風酣獨卧來牛去馬亂相撞
江山指點非無句誰致先生酒百缸

夢崔清獻坐牀上李忠簡坐牀下而予參其間
清獻堂堂四百春夢中眉宇識天人報君西蜀青油幕
老我東籬白葛巾萬里歸心長短賦九天辭表十三陳

南風欲理增江棹已借青山卜墓隣

次韻定山先生種樹

橋下流泉十丈窪橋頭草屋萬株花
關關終日鳥鳴樹
歲歲春風人在家何處三杯歌浦口
祇留殘夢在天涯
樽前不見滄溟濶浩浩還君一笑誇

清明前二日有懷亡友伍光宇無子

先生英骨葬蓬萊幽思憑高不易裁
荒歲無窮春易老
清明將近雨還來
皇天自合包胥怒
泉壤誰興伯道哀

尋樂齋前數株樹月明空有鶴飛迴

寄高知縣

下通河岳上星辰何處風流着此身天子未旌強項令
督郵多見折腰人青天白日孤城曉碧柳黃鸝萬井春
澗底菖蒲真未有堪君服食更通神

次韻林先生潮連館中見寄

煙村渺渺樹成行社屋三間是講堂竹葉林中堪送老
菊花籬下又逢霜膳夫問煮魴魚美田舍邀嘗早稻香

入社撚鬚誰最數共尋佳句答年光

晚酌示藏用諸友

東溪牽犬過西溪短屐衝煙步步迷秋竹苔深人語靜
古壇松冷鶴巢低山花折去空盈把春酒沽來不滿提
笑把長竿弄江水草間郭索尚蟠泥

其二

漁翁向夜宿何溪月色蘆花到處迷蓬背風吹黃葉過
船頭浪捲雪山低晚來竿綫殊堪弄老去干戈不著提

自有平生煙水分何曾軒冕視塗泥

其三

丹青不寫武陵溪只記桃花也著迷
芳草獨行山路僻白雲相送洞門低
笑呼竹笠前頭拜交付詩囊右手提
風月滿山關不住他時須用一丸泥

次韻顧別駕江門夜泊

雲卷晴波千里白帆收落日半江明
遙看煙際樓臺迥不受人間鼓角驚
碧玉偶逢須着眼黃花已過更揮觥

眼中別駕如君少，傾倒尊前接後生。

寄李九淵

黃花開盡不持醪，更對黃花讀楚騷。
江閣影流西日轉，海鴻聲引北風高。
大寒天地猶堪出，垂老筋骸總厭勞。
嗟我與君同甲子，鏡中誰讓長霜毛。

楊敷別後有懷

江門春雨送歸槎，破帽排風落晚沙。
向晚野鶯猶戀樹，感春遊子未還家。
山瓶續致沽來酒，草閣開殘別後花。

明日越王臺上望白龍蟠處杳飛霞

夢後作

幻迹有去來達觀無古今長嘯人不聞山風襲蘿襟

又

楊柳餘朽株梧桐但疎陰小卧不出門不知秋已深

對酒

放歌當盡聲飲酒當盡情門前烏柏樹夜半子規鳴

對竹

北風卷頑雲陰晴安可卜
海月出漸高獨照南窗竹
訪客舟中

船頭酒多少船尾閣春沙
恰到溪窮處山山枳殼花

贈張叔亨侍御

天下元無事勞勞空有心
相攜沙上語山月二更深

張克脩別駕遷梧州守來別白沙贈之

少年恣行遊老病徒拘緘
送君今夜心還到蒼梧別

梅下有懷世卿

我見梅花愁人見梅花悅去歲梅發時持醪與君別

九日

同俗不同俗山杯映秋菊仍聞席上歌不是人間曲

周鎬送白菊乞詩

白菊偏宜素髮青山只對蒼顏曠罷秋香滿腹風吹不
到長安

初晴

初晴樓上燕飛飛樓下人歌白苧衣一曲未終花落去

滿林啼鳥送春歸

訪山家

清泉煮蕨愛山家
夜飲西崖望月斜
澗底白雲留不住
半隨紅雨落天涯

歇馬大徑山

數家煙火隔林塘
一樹寒花晚自香
黃葉塚頭聊歇馬
鷓鴣聲裏近斜陽

有所思

采采紅芳日欲斜
盈盈珠淚落天涯
東風忽攪籬前樹
惱亂春愁不為花

落花

落花半落流水香
鳴鳩互鳴春日長
美人別我在江浦
欲來不來空斷腸

清曉

清曉有人來
欵扉風吹衫袖白
披披昨宵雨打山窗破
莫怪先生下榻遲

春寒

清明天氣如初臘
雨脚雲頭枉是春
階下荼蘼開自晚
不隨紅紫怨東君

桃花

雲鎖千峰午未開
桃花流水更天台
劉郎莫記歸時路
只許劉郎一度來

喜晴

西林收雨鷓鴣鳴
靈卷被開窗對曉
晴風日醉花花醉
鳥

竹門啼過兩三聲

雨中偶得

高浪張燈何處船
客邊風雨夜如年
行人自有明朝路
莫遣陰晴不屬天

宿雲卧軒

不妨到處與人羣
借宿山齋酒半醺
我得五龍傳睡法
枕痕猶帶華山雲

喜晴

春眠閉閣日沈冥咫尺溪籬懶更行却愧枝頭子規鳥
千秋人國未忘情

諱日有感

十二月逢哉生魄江山為爾生愁色黃昏庭樹鳥上啼
一聲何處江樓笛

次劉方伯東山見寄

一為雷雨沛西東十郡民歸岳伯功我有江門水千頃
春來只好浴鳧翁

喜聞劉亞卿得請還東山

平生畏就人間飯，向晚還同野鶴棲。
今夜開懷看邸報，東山歸卧祝融西。

贈張進士入京

五年不出獨何心，萬里行囊又一琴。
難寫別離今日意，江門春水不如深。

羅浮春寄民澤

海上花開萬玉林，閒門碧玉夢相尋。
不知開處花多少。

折盡羅浮半夜心

林緝熙縣博張廷實進士何孝子子完先後見
訪既而緝熙往平湖廷實歸五羊子完還博
羅因賦絕句二首

四百峰頭白鶴知老夫三月有幽期爾家正在羅浮下
莫向春風怨別離

長髯遺我一囊山鐵橋流水非人間我今決策山中去
踏斷鐵橋無路還

次羅明仲先生見寄

白頭一枕小廬山，偶寄孤松十竹間。
朝市山林俱有事，今人忙處古人閒。

贈袁暉用林時嘉韻

植竹為垣土作臺，野橋分路到溪回。
江門若比瞿塘水，何處遊人肯上來。

贈劉別駕肅菴解官歸永豐

一策歸去釣秋塘，花近漁舟水亦香。
却笑此翁閒未慣。

水中鷗影尚回翔

輓林別駕汝和

赤泥經雨草萋萋
山北山南路欲迷
怕到使君投轄處
黑雲堆壠鷓鴣啼

得蕭文明寄自作草書至

編茅十丈掃羅浮
高榻飛雲海若愁
何處約君同洗硯
月殘霜冷鐵橋秋

和林子逢至白沙

一樣春風幾樣花
乾坤分付各生涯
如今着我滄江上
只有秋香撲釣槎

南雄書院讀羅一峰碑

坵墳何處草離離
千里湖西夢覺時
落日小池橋上路
催人下馬讀殘碑

金鼇閣

橫浦秋成百尺橋
金鼇閣上見山遙
憑高無限歸來思
何處飛雲不可招

石倉歷代詩選卷四百五